



南明史料集

NANMING SHILIAO JI

贵州省安龙县史志办公室 编

上



贵州

南明史料集

上

贵州省安龙县史志办公室 编

贵州人民出版社

贵州省安龙县地方志编纂委员会

顾问 赵家兴 龙 刚 贺登祥 周玉仁 徐建军 谭志平
主任 邓修宇
副主任 黄朝文 牟庆芳 王丽琼
委员 查世海 刘凡值 尹洋华 梅 俊 吴 鹏 左秋芳
黄显荣 冉 兵 罗华坤 贺发志 桑维新

贵州省安龙县史志办公室

主任 桑维新
成员 柏 英 唐保华 孔庆宇 岑 权 王星强 刘 翠
王仲坤(聘) 黄恩照(聘) 莫苍知(聘)

《南明史料集》编辑人员

主 编 龙尚学
编 辑 王羊勺 陈翰辉 刘恭懋 黄万机 张祥光 陈 琳
罗国荣 桑维新 王仲坤 唐保华

安龙县历史文化学术顾问

- | | |
|-----|------------------|
| 侯绍庄 | 贵州民族学院历史系教授 |
| 耿晓红 | 中共贵州省委党史研究室主任 |
| 王传福 | 贵州省地方志办公室主任 |
| 彭 钢 | 贵州省地方志办公室原主任 |
| 史继忠 | 贵州民族学院历史系教授 |
| 张祥光 | 贵州师范大学历史系教授 |
| 余宏模 | 贵州民族研究所研究员 |
| 张新民 | 贵州大学国学院教授 |
| 翁家烈 | 贵州民族研究所研究员 |
| 黄万机 | 贵州社会科学院研究员 |
| 范同寿 | 贵州社会科学院研究员 |
| 归 然 | 贵州省地方志办公室副主任 |
| 王羊勺 | 贵州省文史研究馆副编审 |
| 陈 琳 | 贵州省图书馆文献部研究员 |
| 龙尚学 | 贵阳市市志办公室副研究员 |
| 韩义义 | 贵州省档案馆副研究员 |
| 王柏林 | 中共黔西南州委党史研究室副研究员 |
| 陈翰辉 | 原《安龙县志》副主编 |

编辑说明

明末清初,在中国历史上是一个特殊的时期。明崇祯十七年(公元1644年),李自成率领农民起义军攻陷明王朝首都北京,崇祯帝自杀。随即,清军入关,击败李自成起义军,攻占北京,建立清王朝。崇祯帝自杀后,明王朝在南方的诸王先后建立弘光(福王朱由崧在南京建立)、隆武(唐王朱聿键在福建建立)、绍武(唐王弟朱聿鐭在广州建立)、永历(永明王朱由榔在广东肇庆建立)4个政权。在清军的攻击下,前三个政权都在不到一年的时间内相继覆亡。永历朝廷在颠沛流离中,由广西播迁到贵州安龙,后辗转到达云南昆明,又进入缅甸,最后永历帝朱由榔被吴三桂杀于昆明。永历政权存在了15年。这一特殊历史时期,许多史家称之为“南明”。

关于南明史的研究,虽然取得了一些成绩,但还有待于更广泛深入研讨。由于这一特殊历史时期涉及明、清两个朝代的残酷争斗交替及李自成、张献忠两支农民起义军错综复杂的关系和矛盾;更由于南明时期的史料零碎、分散及缺失,一些史籍虽然对某些事件、人物等进行专门记述,但遗缺错讹多有出现,还有不少史料散见于各地方志及其他文献资料中,给南明史研究带来诸多困难。

有系统地收集整理、编辑出版南明史料,不仅是研究南明史的一项基础性工作,而且是保存中国历史文献、惠及后人的一项很有意义和价值的文化工程。永历政权在贵州安龙4年,留下许多遗迹,安龙因此而有“南明古都”之称。为了做好这一工作,安龙县人民政府特成立历史文化学术顾问委员会,聘请贵州省的知名历史学者、文献学者为顾问,研究、策划收集整理、编辑出版《南明史料集》,并将具体工作交由安龙县史志办公室承办。

由于南明史料庞杂,短期内难于做到兼收并蓄,因而《南明史料集》暂分3册出版,每册约40余万字。

一、原著若以繁体字、无标点、直行排版,一律改用国家语委公布的简化字、加标点、分段落、横行排版。

二、原著来源、刊本,均于每种著作后一一标明,以便稽核。

三、尊重原著,除对少数民族称谓使用侮辱性文字予以改变外,其余均不改动。原文中的双行夹注改为单行,字号比正文小一号。

四、为给读者提供一些参考资料,每种著作后均附有作者简介、前人对该著

作的评介等。

五、零星分散的史料,按内容酌拟标题以统属,如:《明史》明末人物传选录、贵州地方志载明末清初史事及人物传记选录等。

六、有关南明时期的遗迹、遗物、遗著及出土文物,均附图片,并加文字说明。

七、为便于读者查阅利用南明史料,书后附有明末清初历史纪年与公元纪年对照表。

永 历 实 录

清·王夫之

目 录

上 册

永历实录	清·王夫之(1)
永历纪年	清·黄宗羲(111)
行在阳秋	明·戴 笠(125)
安龙逸史	清·屈大均(157)
安龙纪事	明·江之春(185)
三湘从事录	明·蒙正发(191)
《明史》明末人物传选录	龙尚学 辑录(225)

中 册

小腆纪年附考	清·徐 鼐(267)
--------------	------------

下 册

鹿樵纪闻	清·吴伟业(693)
客滇述	明·顾山贞(767)
四王合传	清·无名氏(783)
也是录	清·邓 凯(797)
求野录	清·邓 凯(803)
三藩纪事本末	清·杨陆荣(811)
小腆纪传(节录)	清·徐 鼐(869)
贵州地方志载明末清初史事、人物传选录	龙尚学 陈翰辉 辑录(947)
附录 明末清初历史纪年与公元纪年对照表	(1027)

编后记	(1028)
-----------	--------

永历实录 目次

卷一 大行皇帝纪	(1)
卷二 瞿严列传	(8)
卷三 丁王朱列传	(14)
卷四 吴何黄列传	(17)
卷五 李文方列传	(19)
卷六 陈姜列传	(21)
卷七 何堵章列传	(25)
卷八 焦胡列传	(34)
卷九 马卢二王列传	(38)
卷十 曹杨张列传	(42)
卷十一 金王李陈列传	(46)
卷十二 王杨皮列传	(54)
卷十三 高李列传	(57)
卷十四 李定国列传	(60)
卷十五 李来亨列传	(65)
卷十六 阙	(67)
卷十七 晏黄二刘列传	(68)
卷十八 二张列传	(73)
卷十九 袁洪曹列传	(78)
卷二十 童郭吴万程鲁列传	(82)
卷二十一 金堡列传	(86)
卷二十二 死节列传 上	(91)
卷二十三 死节列传 下	(95)
卷二十四 佞幸列传	(99)
卷二十五 宦者列传	(102)
卷二十六 叛臣列传	(105)

《明史》明末人物传选录 目次

朱由榔	(225)
史可法	(226)
左良玉	(230)
杨文骢	(236)
陈子壮	(236)
张家玉	(237)
陈邦彦	(238)
苏观生	(239)
吕大器	(240)
文安之	(242)
樊一蘅	(242)
范文光	(244)
吴 炳	(245)
王锡衮	(245)
堵胤锡	(245)
严起恒	(247)
朱天麟	(248)
张孝起	(249)
杨畏知	(249)
吴贞毓	(251)
高 勣	(253)
何腾蛟	(254)
章 旷	(257)
傅作霖	(258)
傅上瑞	(258)
瞿式耜	(258)
马士英	(261)

卷一

大行皇帝纪

大行皇帝讳由棖，神宗显皇帝孙也。考端皇帝，讳常瀛，神宗第八子，封桂王。继嫡妃王氏，无出；贵人马氏，生二子，长桂恭王，次上。以天启三年癸亥岁十月十九日，生上于燕邸。天启七年秋，端皇帝出封于衡州。端皇帝垂颐丰背，日角修耳，貌似神宗，性敦厚慈易，为诸王最。崇祯间，朝廷崇礼亲藩，诸王多凭依侵有司，烦苦士民，独桂邸以安靖闻。编修马世奇、中书舍人张同敞先后奉敕戒谕诸王，俱以王贤报命。崇祯六年，诏遣编修闵仲俨册立桂恭王为安仁王，上为永明王。崇祯十年，临蓝瑶贼郭子奴、刘新宇等反，犯衡州，端皇帝发藏金馈饷，请调虔粤兵城守。明年，讨平之。崇祯十三年，奏请修衡州城，优诏许之。

崇祯十四年，上纳王妃王氏。崇祯十六年，张献忠掠寇湖南。八月，长沙陷，分巡上湖南道参议金九陞托賚贺表去衡州，惊溃。端皇帝率桂恭王及上出奔，仅达永州南之石期市，贼追至，巡道中军王上庸率死士截击，端皇帝乃得舍舟逸去。上庸力尽战死，上遂与端皇帝相失。端皇帝携桂恭王走全州，得达广西。应奉内竖陈进忠奉上走道州，陷贼中，不得去，为伪吏所得，将送贼所。有吴继嗣者，故为巡检，陷贼中，伪授永州经历，力调护上，谄给伪大吏，得稍缓。已而献忠渡江走荆州，伪吏无从致送，遂免于难。继嗣迎居己署中，益虔护侍，每日初出，夫妇皆拜谒奉膳醕，如臣礼。十二月，征蛮将军杨国威帅师复永州，遂迎上入粤，达端皇帝所，遂从居梧州。弘光元年，端皇帝薨，厝梓宫于梧州南岸。桂恭王承国事。思文皇帝立于福州，以桂邸为神宗正胤，次宜承统，有疑虑心，下优诏结万元吉、何腾蛟、丁魁楚，不次皆迁九卿，赐便宜、蟒玉。魁楚遂迎桂恭王及上居肇庆，用杜推戴。已而靖江庶人反，思文皇帝益疑，密诏丁魁楚相动静处分。未几，桂恭王暴薨，上以简静为魁楚信重，得无恙。隆武二年八月丁酉，思文皇帝遇害于顺昌，全闽陷。总制两广兵部尚书丁魁楚、巡抚广西金都御史瞿式耜议戴上监国，大学士吕大器、兵部尚书李永茂皆至肇庆，与定策。参政唐绍尧、副使林佳鼎、御史王化澄率府州县吏民迎上于寓邸，释衰服，治府署为行宫，行监国事。

十月丙戌，上即位于肇庆，诏诰天下，奖励文武兵民，同仇恢复，改明年为永历元年。遥尊隆武皇帝为思文皇帝，顺昌之讞未审，或曰潜逊故也。追尊考桂端王为端皇帝，兄安仁王为桂恭王。上嫡母桂王妃王氏为慈圣皇太后，生母马氏为慈宁皇太后，立皇后王氏。进吕大器为中极殿大学士，擢丁魁楚、李永茂、瞿式耜皆为大学士。大器、永茂入阁直机务，魁楚总理戎政，式耜以吏部左侍郎掌部事。命司礼太监王坤管文书房事。是月，清兵破赣州，总督兵部尚书万元吉、监军试中书舍人袁从谥、通判唐周慈死之。十一月，苏观生、何吾驺、顾元镜以嗣唐

王聿錡叛，称尊号于广州，改元绍武，大学士陈子壮拜表请讨之。命兵科给事中彭耀谕唐王聿錡，苏观生不奉诏，耀不屈，死之。以唐绍尧为户部左侍郎，王化澄为兵部右侍郎兼金都御史，总督两广。吕大器称病，弃官归蜀。以林佳鼎为兵部左侍郎，周光夏为都御史。兵部左侍郎林佳鼎帅师东讨苏观生，战于三水，败绩，佳鼎及水师游击将军管灿死之。内批：擢王化澄为兵部尚书。十二月，以中允方以智、编修刘湘客充经筵讲官，已而不行。大学士李永茂请终制，去。命大学士瞿式耜入阁，典机务。清李成栋破广州，杀唐王聿錡及苏观生，周王、益王皆遇害，何吾驺、顾元镜降。上避敌幸梧州，瞿式耜谏，不听。丁魁楚走岑溪。

永历元年正月癸卯朔，上至梧州，遂自府江幸桂林。清李成栋攻肇庆、梧州，皆破之，巡抚金都御史曹晔降，南雄、韶州、高州、雷州、廉州皆陷。二月，上至桂林。进何腾蛟太子太保武英殿大学士，督师如故。遍封楚、粤、黔、蜀诸将为侯伯。敕召詹事文安之、王锡衮为大学士，周堪赓为户部尚书，郭都贤、李陈玉皆兵部侍郎，皆未赴。已而堪赓降于清。进瞿式耜吏部尚书、文渊阁大学士。

给事丁时魁奏论新政，当亲行阵，慎爵赏，揽威福。上嘉纳之。晋户部侍郎严起恒为本部尚书。清孔有德攻湘阴，王进才、王允成之兵溃，何腾蛟走衡州，遂陷长沙，副总兵满大壮死之。大学士陈子壮帅义兵复沿海州县，进攻广州，为李成栋所败，子壮死之。三月，丁魁楚败死于大藤峡。李成栋陷平乐。上幸全州，命大学士瞿式耜兼兵部尚书，留守广西。清兵攻桂林，瞿式耜帅总兵官焦琏攻却之。进堵胤锡、章旷大学士兼兵部尚书，总制督师如故。刘承胤以兵入扈，遂逐王坤。敕召给事中金堡。四月，上祀南郊。封刘承胤为安国公，马吉翔为文安伯，郭承昊泰和伯，严云从清江伯。诏杖给事中万六吉、御史毛寿登、吴德操，已而释之。封戚畹王国玺为武靖侯，马九爵宛平伯，王维恭长洲伯。清兵破衡州，杀黄朝宣，临武知县李兴玮死之。五月，上幸武冈。以傅作霖为兵部左侍郎，掌部事。召川、湖、云、贵总督李若星为吏部尚书，若星称病去。张献忠遣孙可望攻贵州，总督杨鼎和弃城走。可望攻陷贵阳，已而弃贵去，攻犯云南。李成栋攻桂林，瞿式耜帅焦琏击却之，遂复平乐。左春坊张家玉举义兵于东莞，不胜，死之。六月，以吴炳为大学士，入阁，典机务。清兵破常德，堵胤锡走永定卫。晋瞿式耜太子太师、临桂伯，辞不受。七月，刑部侍郎杨乔然解部务，请敕入川、贵督师，刘承胤逐之也。以严起恒为大学士，召诣武冈，不赴。何腾蛟入见，刘承胤谋杀之，总兵赵印选劫腾蛟去，复出督师。

刘承胤捶嗣通山王蕴钅于宫门，以密报敌警故也。八月，瞿式耜奏迎驾居桂林，承胤怒，不果行。督师大学士章旷卒于东安。清孔有德攻武冈，陈友龙迎战于石羊渡。刘承胤降，上出奔靖州。武冈陷，吏部侍郎侯伟时、兵部侍郎傅

作霖死之，吴炳降。上自靖州历苗峒出柳州。九月，清兵陷黎平，守将萧旷死之。进封马吉翔为文安侯，掌锦衣卫，管文书房敕旨。清兵破沅州，巡抚金都御史傅上瑞、岳阳伯王允成降。十月，分巡左江道龙文明、土司覃鸣珂作乱。上幸象州，瞿式耜拜表迎驾。以王化澄为东阁大学士。十一月，上幸桂林，瞿式耜、严起恒入直。十二月，敕何腾蛟督师出楚，腾蛟帅郝永忠、卢鼎、赵印选、胡一青守全州。是岁，云南土司沙定洲反，攻云南府，黔国公沐天波弃城走腾越，巡抚都御史吴文瀛降于定洲。

永历二年正月，上在桂林。二月，孔有德攻全州，郝永忠溃走，大掠桂林。上奔柳州，遂入南宁。封陈邦傅为庆国公。金声桓、王得仁举江西反正。前大学士姜曰广承制封声桓豫国公、得仁建武侯。三月，孔有德兵犯桂林，瞿式耜、何腾蛟帅师迎战，败之，追至大榕江。四月，皇长子生。瞿式耜奏进八箴，上嘉纳之。五月，何腾蛟复全州。堵胤锡帅马进忠之兵复常德。六月，李成栋举广东反正，封成栋惠国公，佟养甲汉城侯。授袁彭年左都御史、曹晔兵部侍郎、耿献忠工部尚书，有何吾驺、李觉斯、顾元镜、毛毓祥，皆以原官起用。

江西生员雷德复奉姜曰广表奏报金声桓、王得仁反正至，进曰广太子太师、武英殿大学士、吏、兵二部尚书，督师，赐便宜行事。以吴宗周为金都御史，巡抚江西，仍声桓、得仁承制封如故，王天雷、刘一鹏、盖遇时封拜有差，授德复给事中。

清金固山来攻常德，马进忠迎战于麻河，大破之，歼其军。七月，以朱天麟为东阁大学士礼部尚书。瞿式耜表请上幸桂林，接应江、楚、云、贵，不听。以晏清为吏部尚书。金声桓、王得仁讨清高进库于赣州，不下。清谈泰帅八固山之兵攻江西，破九江，声桓、得仁归南昌。八月，李成栋遣杜永和迎驾。何腾蛟复东安。曹志建复道州。陈友龙以黎靖反正，遂复武冈、宝庆。左春坊、刘季矿举义兵于永宁，复茶陵、酃县、安仁、常宁。曹志建复郴州。九月，上发南宁，幸肇庆，敕陈邦傅居守广西，邦傅自称世守，巡按御史吴德操劾之。上至肇庆，拜李成栋征虏大将军，敕筑坛授钺，成栋辞不受。封李元胤为南阳伯，提督禁旅，马吉翔提督戎政，司礼太监庞天寿提督勇卫。十月，清兵破饶州，遂围南昌，姜曰广驰奏请援。何腾蛟围永州。以黄奇遇为詹事礼部左侍郎，充经筵官，蔡之俊、陈世杰为左右春坊，直日讲，上日御行宫文华殿听讲。遣使航海谕鲁王。十一月，四川总兵王祥收复川南，遣使奏闻，封祥忠国公，命都御史范矿、朱容藩联络策应。佟养甲谋逆，伏诛。何腾蛟使郝永忠攻陈友龙，友龙失利，走柳州，永忠大掠武、靖。清兵救永州，胡一青迎战于文明铺，大败之，腾蛟复永州。十二月，何腾蛟复衡州。吏部侍郎吴贞毓沐李成栋迎驾往广州，上遣刑部侍郎刘远生谕之，成栋惶惧奉诏。给事中金堡陛见，奏劾郝永忠擅杀、马吉翔擅权、陈邦傅无功僭秩，上切责堡。堵胤锡以高必正、李赤心十三营

之兵，自巫山来趋常德，马进忠惊溃，遂焚常德，走湖南，掠湘乡、衡阳，次于湘乡。

郑鸿逵、朱成功复福建沿海州县，奉表报闻。堵胤锡以高必正十三营自宁乡攻长沙，不克，退屯湘潭，常德复陷。是岁，清兵攻破成都，张献忠殒。孙可望自东川攻云南，沙定洲溃走，可望诱沐天波及副使杨畏知至，胁降之。詹事雷跃龙、春坊闵仲俨、行人龚彝皆降于可望，可望遂据云南，四出攻下府州土司。

永历三年正月，上在肇庆。西洋人瞿纱微进新历，诏颁行之。诏所在督抚勋镇将吏，勿得纵兵掠杀焚毁淫虐，有故犯者，督抚勋镇削夺，偏裨以下按军法不贯。以刘湘客为金都御史，协理院事。朱天麟罢。进方以智为东阁大学士、礼部尚书，召入直，称疾不赴。遣金都御史张充美赍密诏金章，谕吴三桂。

郑鸿逵复泉州，入奏，优诏奖励之。二月，何腾蛟进次湘潭。堵胤锡帅高必正十三营救江西，至攸县、醴陵，不进。进封马进忠鄂国公、曹志建永国公。

清兵大举攻湖南，陷湘潭，副总兵杨进喜力战，死之。马进忠走宝庆。何腾蛟被执不屈，死之。清谈泰攻陷南昌，大学士姜曰广、豫国公金声桓、建武侯王得仁皆死之，江西尽陷。盖遇时走湖广，刘一鹏走抚州山中。何吾驺、黄士俊入见，各以大学士兼官保、尚书，入直。三月，清兵陷衡州，胡一青退屯东安，堵胤锡以高必正十三营走郴州。清兵陷宝庆，马进忠、王进才退屯武冈。李成栋攻赣州，至信丰，与清兵遇，大战，不胜，死之。杜永和退守梅岭。曹志建攻堵胤锡于郴州，坑其兵三千人，羈胤锡于桃川所。胤锡间道奔富川。敕瞿式耜兼督楚师。式耜奏请兵科给事中吴其雷监胡一青、赵印选、杨国栋诸军出楚，次于全州。四月，孙可望自称平东王，遣前副使杨畏知奉书贡金马，邀封王号，会师□□。诏封可望景国公，李定国以下封拜有差。清兵陷永州及沅州、靖州，王化澄病免。高必正入梧州，诏大学士严起恒、副都御史刘湘客谕之，必正遂入潯州。刘希尧、刘芳亮叛走郴、桂，降于清。五月，遣兵科给事中赵昱、司礼太监杨起春赍诏谕孙可望。杨大甫据梧州叛。堵胤锡入见，诏入直，辞，请复出督楚师，从之。召杨大甫至行在，上御殿诘责，大甫伏诛，余兵乱，诏李元胤招抚之，皆降。以少詹事张同敞兼兵部侍郎，督兵出湖南。六月，命堵胤锡督楚师，赐龙旗十二，调用天下兵马。胤锡入潯州，调高必正十三营，遂次于潯州。清兵攻陷福建沿海州县，遂陷潮州，杀总兵曾庆。巡抚都御史刘中藻守福宁州，城陷，死之。以揭重熙为兵部尚书兼副都御史，督抚建义军及刘一鹏之兵。何吾驺有罪，免。袁彭年请假治慈母丧，去，诏许之。封杜永和南雄伯、罗成耀宝丰伯，分守梅关。七月，清兵攻曹志建于永明，志建帅兵迎战，清兵却走，副总兵惠延年死之。李赤心死于南宁。八月，赵昱、杨起春至云南，孙可望不奉诏，昱、起春遁还。九月，遣司礼太监李国辅赍香帛密赴南京，谒孝陵。十月，下诏亲征，大学士严起恒请开御营库，节用措饷，收募亲军，以刘远

生为兵部尚书,总理戎政,兵科给事中金堡监御营军。从之。十一月,以吴贞毓为户部尚书,郭之奇为礼部侍郎。督师大学士堵胤锡卒于潯州。高必正入南宁。追赠何腾蛟为中湘王,谥文忠;金声桓为榆林王,谥忠毅;李成栋为宁夏王,谥忠烈;王得仁为建国公,谥忠壮。立坛致祭,上亲临奠,举哀,百官皆大恸。

追赠大学士姜曰广为进贤伯,谥文愍。杜永和入见,遂命提督岭上诸军,恢复南、赣。切责郭之奇、万翱怙党行私。朱天麟、陈邦傅遣胡执恭以伪册宝封孙可望为秦王,李定国安西王,刘文秀抚南王,艾云枝定北王,伪敕可望总理天下兵马钱粮,文武将吏,便宜诛赏,勿待诏旨。可望遂自称秦王,引兵出贵州。十二月,考选朱士鲲、吴道昌等为科道官,钱秉鐙等为庶吉士。郝永忠诱远安伯陈友龙,杀之。给事中尹三聘奏:瞿纱微擅用夷历,煽乱祖宪,乞仍用大统旧历。从之。

永历四年正月,上在肇庆。清兵大举犯梅关,罗成耀弃南雄走。上奔肇庆,登舟将西奔,大学士瞿式耜驰奏,请上固守肇庆,集援兵御寇。严起恒、金堡交谏留驾,皆不听。戎政尚书刘远生、给事中金堡奉敕往广州,谕杜永和固守待援,永和集兵城守。清兵陷南雄、韶州。上奔梧州。黄士俊、陈世杰等皆逃去。敕袁彭年、曹晔、李元胤守肇庆。命大学士严起恒兼理兵部事。马吉翔自请援广东,次于肇庆。二月,清兵围广州。吴贞毓、万翱、程源、张孝起等疏攻金堡、丁时魁、刘湘客、蒙正发、袁彭年,诏贷置彭年勿问,逮堡等下锦衣卫狱,拷之。以程源为兵部尚书,督师黔、蜀,不行。杨展奏:孙可望称册封秦王,专制天下,胁展纳贵州土,解兵付可望。诏谕展:可望王封专制,非奉册敕,命展固守贵州,勿受贼诱。三月,王化澄自称疾愈,入谒。太监夏国祥赍敕,趋化澄入直。召朱天麟。张同敞帅师复东安,遂围永州,不克,退屯全州。分命于元晔、吴李芳、郑古爰、朱嗣敏皆兼金都御史,督诸勋镇兵出楚,俱次于广西。张同敞请解任付元晔等,不报。瞿式耜奏:“下言官于诏狱,拷掠追赃,戕仅存之元气,宜速宥出。”不报。张同敞奏谏诏狱,诏切责之。四月,以鲁可藻为南京兵部尚书,郭之奇为礼部尚书。雷德复奏讦大学士严起恒,起恒称疾乞骸骨,行人董云骧、王夫之疏谏,不听。敕趋朱天麟入直。焦琰、马宝入见,请释金堡等于狱。袁彭年赴行在,请同金堡等诣狱核罪。诏谕归肇庆协守。五月,清兵陷武冈、靖州,马进忠退屯西延峒。清兵犯永明,曹志建大败,遂陷镇峡关,志建走贺县。陈邦傅为必正所逼,帅兵千余人,称言援东,次于肇庆。马进忠、胡一青、杨国栋、曹志建奏:请释金堡等于狱。戍金堡、丁时魁。万翱为兵部尚书。高必正、党守素入见,请趋严起恒入直,从之。起恒拜表,去,敕追还,趋陛见,起恒称疾益亟,不允。谕高必正、党守素援广东。必正请括兵马归兵部,钱粮归户部,铨选归吏部,进止一听朝廷,诸帅不得以便宜专行,奉上

亲征。廷议不能从。必正、守素归南宁。朱天麟遣胡执恭之子钦华赴行在，求封孙可望秦王，专制天下。兵部尚书万翱奏请从之，大学士严起恒执奏勿许。乃封可望荆郡王。天麟及吴贞毓、程源等密启称臣于可望，请杀严起恒、金堡。可望不受诏，称秦王如故，怒，杀胡执恭。六月，李元胤、马吉翔帅兵东援，败于三水，广州围益急。给事中李用楫使总兵李明忠杀吏部侍郎洪天擢于高州。七月，大学士文安之入见，敕入阁，典机务。安之力辞，请敕往荆、夔号召王光兴、刘体淳等，诏从之。朱天麟复入阁办事。八月，飓风大作，广州水师皆覆陷。十月，清兵破全州，胡一青退屯大榕江。杨国栋、马养麟守海阳山。马进忠败于西延，走贵州。焦琏救曹志建于贺县。十一月，清兵攻大榕江，胡一青迎战失利，赵印选弃城走桂林，溃，遂陷，留守大学士瞿式耜、总督侍郎张同敞死之，布政使关捷先、监军御史吴德操降。清兵陷平乐，总兵官都督同知朱旻如死之。上奔浔州，总兵周金汤纵兵大掠，百官溃散。清兵陷梧州，执王化澄杀之。清兵陷广州，杜永和走入海。十二月，清兵陷肇庆，南阳侯李元胤死之，陈邦傅降。上奔南宁。高必正走贵州。

永历五年正月，上在南宁。高必正为孙可望所劫，兵大溃，必正死。李来亨收余众走施州卫，遂入巫山。二月，陈邦傅以清兵攻宣国公焦琏，琏与战，败，死之。清兵围蓝山伯马养麟于永宁州，城陷，养麟死之。三月，孙可望使其伪将吴都督至南宁，劫上求册宝专制，大学士严起恒死之，并杀给事中吴霖等十余人。上出御衣葬起恒，亲临哭之。六月，清兵攻南宁，上奔太平。七月，慈圣太后崩。冬，孙可望遣兵胁上居兴隆，百官扈卫死亡溃散，从上者百余人。

是岁，孙可望出贵州，马进忠、王进才、张先璧皆附可望。宣平侯杨展不屈，战败，遇害。可望遂攻王祥于遵义，杀祥，并其众。匡国公皮熊奔水西。

永历六年，上在兴隆。曹志建屯贺县，结寨固守，未几，卒。马宝屯阳山。胡一青屯思明。四月，孙可望遣李定国出湖广，刘文秀出四川。五月，李定国大破清兵于靖州，遂复靖州、武冈。李定国复宝庆，遂南攻桂林。刘文秀复成都，遂围保宁。六月，李定国大破清兵于严关，遂复桂林，孔有德自焚死，陈邦傅伏诛。八月，李定国复平乐、梧州、柳州，遂下永州，复衡州。九月，刘文秀败于保宁，退兵川南，杀张先璧。李定国遣马进忠、冯双鲤复长沙，略地岳州。十月，李定国遣兵略地江西，复吉安。十一月，李定国遣使奉表诣兴隆奏捷，候问万安。清兵大举攻李定国于衡州，大战于黄沙湾，清兵败，杀清敬谨王。冯双鲤退走宝庆，定国之师遂溃，退屯宝庆。

永历七年，上在兴隆。孙可望召李定国，将杀之，不克。定国奔永州，遂

自平乐破梧州，攻肇庆。四月，孙可望与清兵战于东安岔路口，大败，走归贵州。七月，李定国围肇庆，不克，遂自平乐退屯南宁。

永历八年，上在兴隆。遣兵部侍郎萧尹賁血诏命李定国迎驾，封定国晋王。定国号泣奉诏，表请养晦待时。李定国请诏由海道谕郑鸿逵，间道谕王光兴、刘体淳等，会师联络，共图兴复。李定国自泗城州间道入云南。

永历九年正月，上在兴隆。孙可望取给事中雷德复等十七人，杀之于贵州。李定国密迎上入云南，即孙可望所营宫殿为行宫，奉上居之。诏赐李定国上殿，行亲王礼，征讨付定国，余以敕旨行事。刘文秀奉诏招孙可望，释怨会师，共奖王室，可望不听，文秀饮鸩死。孙可望举兵犯顺，攻云南，次高沙寺，李定国帅师御之。

永历十年，上在云南。孙可望遣其将张胜间道袭云南府，将谋不轨。李定国与战于城下，胜大败，被擒，伏诛。李定国奉诏招白文选、马维兴，皆降之。可望众大溃，走归贵州。

永历十一年，上在云南。诏讨孙可望。十一月，李定国兵至贵州，大败孙可望之兵，可望弃贵州走武冈州，降于清。李定国遣兵守武冈。

永历十二年，上在云南。封白文选、马维兴皆为郡王。密诏封郑鸿逵为真定王，进王光兴、李来亨、刘体淳、郝永忠爵皆上公，敕会师兴复。

永历十三年，上在云南。孙可望、洪承畴请清兵大举攻云、贵。郑鸿逵、朱成功、刘孔昭由海道攻镇江，破之，遂围应天，已而败退，入海。清兵陷贵州。李来亨、刘体淳、郝永忠自竹山出攻襄阳，入其城，已而退去，遂屯巫山巴东之西山。

永历十四年，上在云南。李定国帅师御清兵于毕节。清兵自平越入曲靖州，南入腾越，李定国之师溃，奉上居永昌。

永历十五年，清兵逼永昌，李定国奉上奔缅甸。八月戊戌，有大星起天中，迸裂如雷，小星百余从之，陨于西南，白光烛天，良久乃没。

永历十六年，上在缅甸。李定国收兵安南，缅甸人叛，劫驾入云南。前平西伯晋封蜀国公吴三桂弑上于云南，及皇后王氏；世守云南黔国公沐天波死之。